

# Ze barri?

ESKORIATZA / Egubakoitza / 2005eko uztailaren 1a / 215. zenbakia

KOORDINATZAILEA: Iker Barandiaran • Otolara 31 ARRASATE 20500 • Tel.: 943 71 25 11 • Faxa: 943 71 23 89 • Posta elektronikoa: zebarri@goiena.com • Lege gordailua: SS200/99

## EAJ-EAk PSE-EEren hainbat mozio atzera bota zituen, eta tirabirak izan zituzten

IKER BARANDIARAN

Udalbatzarrak hainbat mozio onartu zituen (Dorletan egin beharreko lanak, lokalak etxebizitza bihurtzeko ordenantzen aldaketa, Euskarako teknikariaren lan jarduna luzatzea...), baina PSE-EErenak atzera bota zituen. Autobidea ere izan zuten berbagai.

Eguenean hainbat mozio eztabaidatu zituzten. Horien artean, EAJ-EAk, PSE-EEk eta EBk aurkeztutakoak. EAJ-EAk kontrako botoa eman zien PSE-EEko mozioei, eta mozio alternatiboak aurkeztu zituen. Horrek Iñaki Pierrugesen haserrea piztu zuen eta EAJko Josu Ezkurdiarekin ika-mikak izan zituen.

### DORLETA BERRIRO URBANIZATU

Udalbatzarrak Dorleta auzoa berriro urbanizatzeko proiektuaren hasierako onarpena egin zuen. Uztailean lanean hasi gura dute. Horren harira, alkateak azpimarratu zuen ailegaeraztasun plana dela eta, etxabeak dituzten auzotar batzuk haserre daudela, ezinago dituztelako garaje moduan erabili. Bestalde, udalbatzarrak onartu zuen lokalak etxebizitza bihurtzeko ordenantza aldatzea. Espekulazioari aurre egiteko, eros-



Osoko bilkuren aretoa leporaino bete zuten herritarrek. Autobidearen gaineko kezka zuten, eta horixe eztabaidatu zuten.

leekin hitzarmenak egin, eta gehieneko salneurriak finkatuko dituzte. Horrez gain, ontzat hartu zuten Euskara teknikariaren lan jarduna luzatzea Euskara Biziberritzeko Plana bultzatzeko.

### PAPER EKOLOGIKOA ETA GAYAK

Iskanbila beranduxeago izan zen. PSE-EEk bi mozio aurkeztu zituen:

*Udalbatzarrak bat egin zuen autobideko lanek kaltetutako herritarrekin*

bata, Udalak barne eta kanpoko erabileran paper ekologikoa erabil dezan; eta bestea, Udalak gay eta lesbianen alde egin dezan. Lehenengoan, EAJ-EAk aditzera eman zuen PSE-EEko bozeramaile Pierrugesekin haserre daudela, Ingurumen Saileko presidenten den arren, ez delako batzarretara joaten. "Gaurko mozioa propaganda

politikoa da, eta kontra bozkatu dugu", azpimarratu zuen EAJko Josu Ezkurdiak. Hortaz, mozioa atzera bota zuten, PSE-EEk, EBk eta Elizateetako ordezkariak alde egin zuten arren. Azken bi talde horiek honako hau eman zuten aditzera: "Proposamena interesgarria da, eta ez dugu uste EAJ-EAren jarrera egokia denik".

Gay eta lesbianen aldeko mozioari dagokionez, EAJ-EAk atzera bota zuen, "Gasteizko legebiltzarrean PPK PSE-EEri babesa eman diolako". EBk eta Elizateetako ordezkariak mozioa babestu arren, ez zen onartu. Elizateetako Javier Villarrek zera eman zuen aditzera: "Konponbidea aurkitzeko bideak aurkitu behar ditugu. Horrela ez gabiltza ondo". Azkenean, EAJ-EAren mozio alternatiboa onartu zuten.

### BIDEGIREKIN OSO HASERRE

Osoko bilkuren aretoa goraino bete zen. Izan ere, herritarrek oso haserre daude Bidegirekin, autobideko lanen ganean ez dituelako informatzen, eta aldaketak egiten dituelako. Udalbatzarrak Bidegiri idatzi bat bidaltzea adostu zuen, eta honakoa azpimarratu: Bidegiri agindutako batzarrak egiteko eskatzea, eta Udala Apotzagan egin gura duten hondakindegien kontra agertzea, hain zuzen.

## Ibarraundi museoaren inaugurazio ofiziala, eta turismoari bultzada

I.B.

Ibarraundi museoaren inaugurazio ofiziala egin zuten astelehenean. Ibarreko udaltako, Aldundiko eta Jaurlaritzako ordezkariak museoaren erakutsi zieten, baita ere turismorako prestatu dituzten gailuak.

Ibarraundi museoak merezitako inaugurazioa izan zuen. Lehenik eta behin alkateak eta Udaleko Turismo Saileko Juan Luis

Merinok Ibarraundi proiektuaren sorrera eta horren abiapuntu izan zen Natur Eskolaren ibilbidea azaldu zuten. Horren ostean, Gorka Etxabek Arteman enpresak egin duen ikus-entzunezkoa aurkeztu zuen. Ikus-entzunezko horrekin batera, triptikoak ere sortu dituzte. Biek eskema bera dute: bisitariak labor eta argi azaltzen dizkiete Ibarraundi zer den, Eskoriatzan zer ikus dezaketen, eta Debagoienan zer turismo eskaintza duten.

### ISABEL GURIDIRI, OMENALDIA

Horren ostean, Leire Parra Udaleko langileak Ibarraundi museoaren webgunea aurkeztu zuen, eta gune horrek dituen aukerak erakutsi zituen.

Ekitaldiarekin bukatzeko, Museo Eskolako arduradun izan den Isabel Guridiri omenaldia egin zioten: dantzariak eta txistulariek esku hartu zuten; museoan jarri duten plaka bat desestali egin zuten, eta alkateak urrezko oroigarri bat eman zion.




Museo Eskolako arduradun zen Isabel Guridik museoaren erakutsi zuten bisitariak.

**TELEFONOJAKINGARRIAK**

ESKORIATZA	
Udaletxea	943 71 44 07
Udal bulegoak	943 71 45 32
Udaltzaingoa	943 71 44 07
Euskaltegia	943 79 21 68
Kultura etxea	943 71 46 88
Gizarte laguntzailea	943 71 31 36
Kirol etxea	943 71 53 28
Liburutegia	943 71 31 35
Luis Eceiza	943 71 53 56
Jose Arana Almen Ikastola	943 71 44 86
Almen	943 71 49 07
Museo Eskola	943 71 54 53
Axtroki	943 71 40 77
HUHEZI	943 71 41 57
Osakidetzak	943 71 44 52
Telesko	943 71 49 17
Taxiak	943 71 40 59

BESTELAKOAK	
Eskualde ospitalea (Arrasate)	943 00 53 00
Guruzte Gorria (Bergara)	943 76 55 76
Ertzaingoa (Arrasate)	943 79 71 99
Suhiltzaileak (Orñati)	943 79 28 00
Renfe (Zumarraga)	943 72 15 15
Renfe (Gasteiz)	945 23 20 30
PESA (Arrasate)	902 10 12 10
Larrialdiak (Arrasate)	943 77 10 43
SOS Deiak	112



AINTZANE AGIRRE

Astebururako hainbat ekintza antolatu dituzte Kultura Sailak eta gazte batzarrak.

## Antzinako autoak, Euskal Jaia eta Koadrilen Eguna

IKER BARANDIARAN

**San Pedro jaiak ez dira bukatu, eta kartutxo asko gelditzen dira erretzeko oraindik. Horren erakusle da gaur, egubakoitza, Euskal Jaia egingo dutela; eta bihar, zapatua, gaztetxeko batzarrak sortutako Koadrilen Eguna. Horrez gain, domekan, antzinako autoen erakustaldia egingo dute.**

Eskoriatzarrek gogoz ospatu dituzte orain arteko jaieguna eta berez gaur bukatuko dituzten arren, herriko hainbat elkartetek jaiak luzatzeko ahalegina egiten dihardute.

Gaur, egubakoitza, egun handia izango da herrian, herritar askoren esanetan, jaietako egun politena. Orain dela 8 bat urte sortu zuen gazte batzarrak, eta handituz joan da, ezinbesteko hitzordu bilakatu arte. Eguerdian, Gorosarri plazan euskal dantzak egingo dituzte; ordu berean, talogileak eta sagardo kupelak eramango dituzte herriko plazara. Giroa alaitzeko, Izar eta Alabier trikitilariak esku hartuko dute. Hori guztia gutxi balitz, txikie-

nendako artzainen jolas eta jokoa antolatu dituzte.

Jarraian, 14:30ean, herri bazkaria egingo dute Gorosarri plazan. Aurten ere 350 bat lagun izango dira mahaiaren bueltan. Horren ostean, arratsaldean eta iluntzean, ez da atsedunik izango: euskal preso eta errefuxiatuen aldeko kalejira txaranga eta guzti; Tapia eta Leturiarekin dantzaldia, eta abar.

### KOADRILEN EGUNA INDARTU

Gazte batzarrak jaiak luzatu eta koadrilen esku-hartzea bultzatu gura du. Horretarako, Koadrilen Eguna sortu du. 15:00etan, Kontzejupeko III. Esku-pilota Txapelketa egingo dute. 17:00etan, koadrilen arteko kirolak eta jokoa egingo dituzte, eta taberna mugikorra ere izango dute lagun. 19:00etan, berriz, perkusio kontzertua egingo dute; eta 22:30ean, rock kontzertua herriko plazan.

### ANTZINAKO AUTO DOTOREAK

Etzi, domeka, antzinako auto dotoreen erakustaldia egingo dute. Egun osoan, Triumph, Citroen 11 Liger, Ford T, 600 eta bestelako erruberadun altxorrek ibiliko dira bueltaka herrian.

## Zirkulazioa arautzeko ordenantza gogorragoa

I.B.

**Astehenean, uztailaren 4an, Udala hasiko da herrian zirkulazioa arautzeko ordenantza berria ezartzen. Hemendik aurrera, besteak beste, herriko kale nagusienetan ezingo da gelditu, eta udaltzainek jarritako isunak Eusko Jaurlaritzako Zirkulazio Sailak bideratuko ditu.**

Udalak aspalditik zeukan zirkulazioaren araudia gogortzeko asmoa. Dagoeneko egin du ordenantza berria, eta astehenean, uztailaren 4an, jarriko dute indarrean. Ordenantza horrek hainbat aldaketa eragingo die eskoriatzarrei. Besteak beste, udaltzainek

jarriko dituzten isunak Eusko Jaurlaritzako Zirkulazio Sailak bideratuko ditu, eta orain jartzen dituztenak baino garestiagoak izango dira.

### KALE NAGUSIENETAN EZIN GELDITU

Udalak aditzera eman du hemendik aurrera ezingo dela herriko kale nagusienetan gelditu. Hona-ko hauetan, hain zuzen ere: Aranburuzabala, Arana eta Gaztainadui kaleetan, Aingeru ibilbidean eta Intxaurtxueta kaleko lehenengo sei zenbakietan.

Horrez gain, Udalak azpimarratu du uztaileko lehenengo astean ez dituztela isunak Jaurlaritzara bidaliko. Horren helburua da herritarrek izan ditzaketan zigor gogorrez jabetzea.



I.B.

Udalak laster aparkalekuak jarriko ditu Santa Anan. Argazkian, Dorletakoak.



## Harriak jausi dira autobideko lanetik

Astehelen arratsaldean autobideko lanetatik lau harri handi eta haritza baten enborra jausi ziren. Apotzagako bidetik San Pedro parkera heldu ziren. Zorionez, orduan ez zegoen inor parkean eserleku bat txikitu egin zuen harri batek eta enborra, zazpi zuhaitz txikitu ondoren, gelditu egin zen. Lurzoruaren jabe Imanol Madinabeitiaren esanetan, zuhaitzek enborra gelditu ez balute, beheko etxeetaraino jausiko zen. Martitzen arratsaldean kendu zituzten harriak eta enborrak. /I.B.


**AZKOAGA**

**ESTANKOA**

943 71 48 77  
Zure Zerbitzura



**MIRENTXU  
TABERNA**  
Kafe goxoa hartzeko  
Tel.: 943 71 41 67



*Gustora egoteko!*  
Intxaurtxueta 8  
**ESKORIATZA**  
943 71 40 63